

COMUNIDAD DI SAN NICOLAS MESTER POR HACI USO DI BEACHNAN PUBLICO



Ayera anochi e grupo di Baile Simadanza a cuminsa cu nan prome show (di cinco siman) na Holiday Inn Hotel, durante cual show nan a cosecha masha exito pa nan presentacion. Un di e comentarionan tabata: "Mi a bishita varios isla den Caribe y varios pais, y den ningun mi a mira un grupo di baile asina bon y bunita". Simadanza a presenta bailenan ariba situacion na waf, carnaval di Aruba, dengue, y naturalmente cu Dande entre otro. Na final e publico a aplaudi largamente pa e grupo orgullo di Aruba.

BERDAD NUNCA A PER-
JUDICA NINGUN HENDE
NINGUN CAUSA NI NIN-
GUN NACION

DiARIO

Bo Matutino
Netamente Arubiano

DI ARUBA
DIAHUEBS 11 JULI 1985
ANA 4, No. 1366

PISTA DI PALO MARGA TA MIHOR CU MITAR DI E PISTANAN NA MERCA

THE FUGITIVE A ADMITI DI A MATA LAURA WIRS NA BONAIRE

GRADUADONAN NA UNIVERSIDAD DI ARUBA

Durante un ceremonia na Holiday Inn, e graduadonan di Universidad di Aruba a ricibi nan diploma. E graduadonan ta forma parti di e mas di 100 estudiante cu desde 1970 a finaliza nan estudio na e Universidad. E educacion ricibi na e instituto aki a forma un base importante den e desarrollo di e estudiantenan. Otronan a logra haya un empleo exitosamente y otronan a sigui studia na institucionnan na Estados Unidos. E fundador di Universidad di Aruba Dr. Carlin Brown, ta sintie masha satisfecho cu e Universidad ta contribui na desarrollo di enseñanza den nos comunidad.

Mientras cu e staff di docentenan ta haciendo lo maximo pa amplia e cantidad di facultadnan, nan ta encontrando e problema di localidad.

Actualmente e universidad ta situa den hospital bieuw na Playa, pero e localidad no ta apropiada mas. E fundacion Universidad di Aruba tin planea pa construi su propio edificio combina cu apartamentonan sencillo pa estudiantenan di exterior. E fundacion lo bay recauda fondo pa realiza e proyecto aki, y ta conta cu apoyo di e comunidad Arubano.

Diputado di Enseñanza Mr. John v.d. Kuyp a priminti cu gobierno lo coopera. Pa motibonan di enfermedad, e mandatario no por a asisti na e ceremonia di graduacion.

Esnan cu a haya nan diploma ta Roraima Arends, Leslie Barrow, Olga Berkley, Anthene van den Bosch, Haydee Croes, Jacqueline Erasmus, Angela



Kalinowski, Conny Lamper, Nahlon Lewis, Marlene Mc Farlane, Ivan Quandus, Maria Aarts, Magalys de Cuba y Brend Dijkhoff. Tabata presente tambe e docentenan Sra. Thomson y Pennyfeather.

**UNIVERSIDAD AINDA
CU PROBLEMA DI
LOCALIDAD**